

同出而异野志

高才志以曠然拓者最厚然心不易見及惟此云爾
有二焉一以同可見惟然洋板言九年一至此際
結實者同亦大見而介乎此僅之始同之同亦六
年板心最善精雖固三善志善之操乃最善
通者乃較洋之始也此外則殊亦自有其善
士紳或好學精念以鮮有真學以故因治拓實
於他拓乃佳取材當以正理也

崇禎癸卯上格自誌 三九

高平縣志
八卷

同治六年
夏六月刊

高平縣舊志叙

高平志者高平之山川土田風俗物產無不志焉曰高平則其地之所有皆舉之矣禹貢職方之述不可尚漢以來地理郡國志方輿勝覽山海經之屬或畧而多漏或誕而不經其間固已不能無憾惟我朝之一統志其綱簡於禹貢而無遺其目詳於職方而不冗然其規模宏大濶畧實爲天下萬世而作則王者事也若夫州縣之志固又有司者之職其亦可緩乎弘治乙卯慈谿楊君明甫令澤之高平發號出令民既悅服乃行田野進父老詢邑之故將以修廢舉墜而邑舊無志無所於攷明甫慨然太息曰此

高平縣志

卷一 序

一

大闕責在我遂廣詢博採搜秘闕疑旁援直據輔之以己見遵一統志凡例總其要節而屬筆於司訓李英不踰月編成於是繁劇紛沓之中不見聲色而數千載散亂淪落之事棄廢磨滅之跡燦然復完明甫退然若無與也邑之人士動容相慶駭其昔所未聞者之忽睹而喜其今所將泯者之復明也走京師請予叙予惟高平卽古長平戰國時秦白起攻趙坑降卒四十萬於此至今天下冤之故自爲童子卽知有長平慷慨好奇之士思一至其地以弔千古不平之恨而不可得或時攷圖志以求其山川形勢於彷彿間予嘗思睹其志以爲遠莫致之不謂其無有也蓋

嘗意論趙人以四十萬俯首降秦而秦卒坑之了無哀恤顧忌秦之毒虐固已不容誅而當時諸侯其先亦自有以取此者夫先王建國分野皆有一定之規畫經制如今所謂志書之類者以紀其山川之險夷封疆之廣狹土田之饒瘠貢賦之多寡俗之所宜地之所產井然有方俾有國者之子孫世守之不得以己意有所增損取予夫然後講信修睦各保其先世之所有而不敢冒法制以相侵陵戰國之君惡其害己不得騁無厭之欲也而皆去其籍於是強凌弱衆暴寡兼并僭竊先王之法制蕩然無攷而奸雄遂不復有所忌憚故秦敢至於此然則七國之亡實由文

高平縣志

卷一 序

一一

獻不足證而先王之法制無存也典籍圖志之所關豈不大哉今天下一統皇化周流州縣之吏不過具文書計歲月而以贅龐之物視圖志不知所以宜其民因其俗以興滯補弊者必於志焉是賴則固王政之首務也今夫一家且必有譜而後可齊而況於州縣天下之大州縣之積也州縣無不治則天下治矣明甫之獨能汲汲於此其所見不亦遠乎明甫學博而才優其爲政廉明毀淫祠興社學敦倫厚俗扶弱鋤強實皆可書之於志以爲後法而明甫謙讓不自有也故予爲叙其畧於此使後之續志者攷而書焉王守仁序

高平縣志目錄

地理第一 圖表 沿革 疆域 里甲 山川

關隘 古蹟 市集 風土

建置第二 城池 署司 雜建 學校 營汛

驛傳 鋪堡 橋堰

祠祀第三 文廟 壇壝 廟觀 建祠 陵墓

食貨第四 田役 火耗 屯糧 匠價 蠲賑

運留 稅課 鹽法 貢篚 物產

倉穀 災祥

官司第五 封爵 縣令 教官 丞簿 司學

高平縣志

卷一 目錄

令史

人物第六 賢良 孝義 文學 隱逸 藝術

列女

選舉第七 辟舉 科貢 任子 捐納 掾史

武階 武科

藝文第八 雜文 周 漢 魏 北魏 唐 宋

金 元 明 國朝 詩 自叙

高平縣志

知高平縣事龍汝霖纂輯

地理第一

白阜圖地形自神農始厥後舜拜益地禹授括地周掌職方漢蕭何收秦圖籍以知扼塞光武按地圖以復郡縣然古稱創圖之善者莫如晉裴秀其體有六曰分率曰準望曰道理曰高下曰方邪曰迂直唐賈耽李德裕父子諸人宗焉唐宋地志皆用四至八到法而圖皆不傳今所存惟僞齊阜昌二年石刻地圖爲最古後則明朱思本圖稍稱緻密實地圖綜要所自本然殊非精絕 國初胡朏明申

高平縣志

卷一

地理

一

明烏道顧未詳其法康熙乾隆內府二圖測北極出地審經緯度分以定廣輪之數而烏道之法以精董方立李申耆踵之胡文忠擴而密焉余友鄒叔績漢勲作寶慶府疆里圖說於裴氏六法約爲四要曰分率曰方隅曰烏道曰道里並挾其病爲二十有五其言烏道法曰取四海九州之遙者以日星取一郡一縣之細者以勾股重測然其法僅能用於郡縣建置地而關塞險要仍不得不以方隅道里爲準至圖一邑一都之志雖精於推算者勢難每里而測之今故用開方定里法命仲弟溥霖因舊圖重加釐正雖高下迂直未盡銖合而盈縮之差庶非乖絕云爾



高平縣志

卷一

地理

二





高平縣志

卷一 地理

三



高平縣志

卷一

地理

四



高平縣志

卷一

地理

八



高平縣志

卷一

地理

九



高平縣志

卷一

地理


十




高平縣志

卷一 地理







後周	建州	高平郡	高平
隋	冀州	高平郡 長平郡 澤州	高平 析高平 置陵高平 川
唐	河東道 昭義軍	蓋州 高平郡 澤州	高平
五代	匡義軍 昭義軍 安義軍	澤州	高平
宋	昭德軍 河東路	澤州	高平
金	河東南路	南澤州 忠昌軍	高平
元	中書省 平陽路 晉甯路	澤州	高平
明	山西布政司 冀南道	澤州	高平
國朝	山西布政司 冀甯道	澤州	高平

高平縣志

卷一 地理

通輿曰凡言地利者在徵因革辨區域知要害察土風也夫國勢一統則增損時定土宇分裂恒變易不常沿革紛紜考鏡尤先然如賈耽李德菟吳解著有古今疆域等書今或多佚此篇特以歷代地志為主參以李吉甫郡國志樂史寰宇記顧祖禹方輿紀要洪亮吉十六國疆域志為審定焉高平古為冀州之域於天文屬昴畢長平之敗太白食昴應焉春秋初淪於翟晉滅之後為趙獻子采邑初曰兹氏戰國時為長平地屬韓入於趙秦取之曰高都屬上黨郡漢改置兹氏縣屬上黨隸并州魏晉曰元氏隸司州北魏永安中置長平郡領高平原氏二縣隸建州北齊

省元氏入高平屬高都郡舊曰平高齊未改焉而別置長平郡後周并爲高平郡隋開皇三年改高平郡曰澤州置長平郡縣屬之十六年析高平置陵川大業三年復澤州曰長平郡縣與沁水端氏濩澤陵川仍屬焉義甯二年復澤州唐武德元年於縣置蓋州領高平及丹川陵川蓋城凡縣四貞觀初廢蓋州改屬澤州天寶初改澤州曰高平郡乾元初復澤州五代宋金元明因之唐初州隸河東道後隸河陽節度使唐末及五代隸昭義等軍宋隸河東路金隸河東南路元隸平陽晉甯路明隸冀南道 國初雍正六年州改府以高平與鳳臺陽城陵川沁水同屬焉隸

高平縣志

卷一

地理

十九

冀甯道而通以隸山西布政司

周官彤方氏掌制邦國之地而正其邦疆無有華離之地故魏孫禮牧冀州時清河平原爭界八年不能決禮至則案圖屬之平原 國朝雍正五年亦 詔曰惟王建國體國經野令州縣地界有不清者其勘定之後又有建立界牌之諭所以已爭也縣域東西廣九十里南北袤八十里去府治九十里布政司治六百一十里京師一千七百里十里東曰東韓村毗陵川禮義鎮爲里四十五東南曰侯莊毗陵川峯頭舖爲里五十五東北曰換馬鎮毗長治太義鎮爲里五十北曰丹朱嶺毗長子張店爲里四十五西

北曰公家山毗沁水秋峪嶺爲里五十五西曰空倉嶺毗沁水賈寨村爲里四十五西南曰周纂毗鳳臺太陽鎮爲里四十五南曰喬村毗鳳臺三家店爲里三十五

里甲之興昉於黃帝之鄰朋里邑漢初十里一亭亭有長猶秦制也劉宋亦二伍爲什十什爲里後魏五家立一鄰長五鄰立一里長唐則百戶爲里設正一人雖分數不齊皆欲大小相維輕重相制也明初一百十戶爲里百戶爲十甲歲役里一人以管攝之十年而終曰排年里甲城曰坊近城曰廂鄉都曰里歲終則審編之曰均徭冊其田糧不及而附甲者曰畸零洪武間仿漢之三老嗇夫宋之什

高平縣志

卷一

地理

二十一

長里魁命有司擇民間高年公正可任事者曰里老理其鄉之詞訟後以御史何文淵太僕卿黃仕揚言始替其權今之里老僅司催科如明初糧長名存而實亡矣高平里舊爲一百六十有一崇禎間兵寇交訌災疫浸行知縣董良瓊以死亡多更爲百里今循之里各里老一地方一甲各什排一掌其里之賦稅甲各推貲高者一人爲戶頭乾沒逃亡尸其責鄉約則視村聚衆寡以爲增損而司徭役之徵令人徒之拘集焉在城六坊曰節義

東梓城成化中

立以義民邢琰節婦李氏得名

招賢

西梓城鐘樓巷爲常

御史故居

孝行

石佛頭成化中立孝子王孝所居也

雙桂

書院巷以里有登科者二故名 **儒林** 儒學巷 **治平** 南門內

而南廂北里附焉在關五廂東曰東廂 東城外 **西曰西廂**

西城外舊北廂里在東梓城今併 **南曰南廂東** 南關阜民

街東 **南廂西** 阜民街西 **南廂南** 南關極南 **在鄉為五鄉曰**

豐溢曰長平曰舉東曰舉西曰都善分為三十都八十八

里云第一都曰李村東 縣東北莊六南李村北李村盧家

山趙家山響水坡朱家莊 **李村西** 縣東北莊二徘徊村店

上村 **徘徊南** 縣東北莊六徘徊村池則村姬家山村王家

山村朱家莊陶溝 **徘徊北** 縣東北莊五赤祥村王家北山

村陳家北山村劉家北山村南河莊 **團池南** 縣東北莊六

高平縣志

卷一 地理

團池村三甲村靳家莊郜家莊溝北村張家莊 舊徘徊

西里縣東北莊三南河莊三甲村靳家莊今併 **第二都曰**

團池北 縣東北莊五團池村東沙院西坡村車院村西沙

院 **中太** 縣北莊五中村河西村李家莊申家莊大河西村

長受 縣東北莊五邢村長受村北莊張家莊姬家莊 舊

中太分東西里今併 **第三都曰魏莊東** 縣東北莊二十一

王村魏莊南河村東魏莊西魏莊王家村果角村藏造村

宋家村關頭村土圪陀村上村長善村碾下村申家溝村

西窰頭村閻家村劉家村北山村溝西村石壑村 **魏莊西**

縣東北莊十下台村邱村西栗莊老槐樹莊東郝莊西郝

莊王家北山村紅廟村石壑村石沙村 **故關** 縣北莊九故

關村長畛村口則村換馬村莊裏村李家莊嶺東村東沙

院邨村 舊中太南里莊一西栗莊又永甯里莊七邨村

石沙村沙院村吳家莊李家莊東郝莊西郝莊今併 **第四**

都曰陳壩南 縣東北莊十二陳壩村柳樹底村王家圪陀

村任家莊西陳壩村上張家莊底張家莊沙院村閻家莊

上李村關家村趙家村 **陳壩北** 縣東北莊十二部莊山王

莊宋家村王家莊安河村閻家圪塔村東壩頭村關家村

中莊北趙莊牛家莊西壩頭 **石村西** 縣東北莊八石村鐵

爐村香山村王家河水溝村營裏村河西村北頭村 舊

高平縣志

卷一 地理

陳壩中里莊二香山村營裏村又石村中里莊二河西村

莊裏村今併 **第五都曰府下** 縣東北莊四郭莊東府底村

西府底村蘇莊 **勾要東** 縣東北莊四張壁村圪陀村底陽

村後莊 **石村東** 縣東北莊九石堂會部莊南頭村大山村

黑土坡村姬家莊西山村牛家莊底陽村 舊部莊里莊

一部莊又府下分東西里今併 **第六都曰建甯前** 縣東北

莊十三李家河村黃窰村王家莊何家村張家莊東吳家

村陳家河土橋頭村馬嶺村西圪套村苟家村西吳家村

西溝村 **建甯後** 縣東北莊七建甯鎮東神頭村曹家村北

社小玄村馮莊張家莊 舊建甯分東西南北中里今併

第七都曰城西南

縣西莊七困頭村小韓莊李家河後河

村莊則村尚莊南溝村

王何 縣西北莊七市王村王何村

張家莊南溝喬家溝北村北溝村

城西北 縣西北莊三王

莊王何東街北溝村

王降 縣西北莊四王降村南溝村洞

上村喬家溝 舊王何分南北里今併

第八都曰城北 縣

北莊五城北村馮莊李家莊段莊小馮莊

臨丹南 縣西北

莊五箭頭村秋子村永祿村鋪上村東山村

臨丹北 縣西

北莊十二圍城村蠶村後溝村段家溝村東王寺村西王

寺村邊家溝石門村棄甲院張家坡邢家坡圪套村地臨

丹水故名秦趙陳兵之地

永祿 縣西北莊七永祿村東莊

高平縣志

卷一

地理

一二十三

許莊黃兒溝上扶村泉則頭扶石村居民造紙為業 舊

永祿分南中里今併

第九都曰寺莊東 縣西北莊一寺莊

鎮 寺莊西

縣西北莊十二伯方村王報村馮家莊西河裏

柏枝莊趙家山郃家莊北山村車崗村焦家山南後溝長

裏村

永祿北 縣西北莊七西陽村堡頭村上扶村扶石村

望雲村東莊後河村 舊王報南里莊一王報村又西陽

里莊一西陽村今併

第十都曰王報北 縣西北莊二王報

村楊家莊

高良東 縣西北莊五釜山村賈村高良村東曲

村李家河 舊王報中里莊一王報村又釜山里莊三釜

山村德驛村遞奪掌今併

第十一都曰草方 縣西北莊十

四草方村鹿宿村河坡村賈家莊十善村鴉兒溝北趙莊
小回溝繖蓋村靖居村柳村柳村莊掘山村木棒村
柳村
縣西北莊九柳村德驛村管寨村北王莊馬家溝盧莊長
平驛掘山村南峪村 舊德義里莊三長平驛德驛村掘
山村又王莊里莊三盧莊東溝村管寨村又草方分東西
里今併 **第十二都曰楊村** 縣西莊七小野川尹家溝背裏
村喬家溝柳樹底南楊村北楊村居民種葦織蓆爲生
西
社 縣西北莊二十九杜寨村上西社下西社寺溝村郭莊
吳莊棗河灣東凹村西凹村秦家溝范家嶺圪台村尖平
村神頭村後溝村香莊榆樹坪風兒背王家村寺西莊郭

高平縣志

卷一

地理

一二十四

家圪陀十字嶺南圪腦基凹村溝底村牛家村長裏村小
溝村圪塔村 舊高良西里莊五圪台村東曲村西曲村
東窰村西窰村又楊村分南北里西社分南北里今併 **第**
十三都曰趙莊西 縣東莊四趙莊溝北村秦莊東山村
趙
莊中 縣東莊七張莊南莊石橋口趙莊正水溝果則溝龍
王溝 **米山西** 縣東南莊一米山鎮西 **米山北** 縣東南莊四
米山鎮王家莊司家莊張家莊 舊趙莊東里莊二南莊
石橋口今併 **第十四都曰朱莊** 縣東南莊七朱莊司家莊
窰背村窰溝村賀崗村南坡村西溝村 **南莊中** 縣東南莊
六南詩午并則溝張璧村山秦村賀莊南莊 **米山東** 縣東

南莊六米山鎮南坡村上馮莊下馮莊北朱莊王家莊

舊馮莊里莊二上馮莊下馮莊又朱莊分東西里今併第

十五都曰南莊東 縣東南莊六北詩午南詩午北埭村冶

子溝西溝村侯家莊 **南莊西** 縣東南莊七北朱莊南山村

東南莊嶺兒頭後河村南圪塔村窰站村 **裴泉東** 縣東莊

十一裴泉村東山村柏山村東河村東迷村河東村上村

獅子口裹角村管泉向陽村 **裴泉西** 縣東莊六裴泉村南

河裏梁家河西頭坡底村李家河村 **勾要西** 縣東北莊五

勾要村吳村南坡村南溝村成家山 **第十六都曰詩村南**

縣東莊六董莊北詩村秦家莊南詩村盧則溝小詩村詩

高平縣志

卷一

地理

一二十五

村北 縣東莊六東韓村南村韓村北詩村坑董村南坑上

韓村 縣東莊六中村莊裏村長畛村韓村東莊裏南村

舊話壁里莊四南村北村長畛村莊裏村又韓村分東西

里今併 **第十七都曰平頭** 縣東莊六平頭村寨平村郝莊

丹水村圪嘴村龍尾村 **龍尾** 縣東莊五龍尾村侯莊丹水

村姬萬村北張寨 舊平頭分東西里龍尾分東西里又

張寨里莊一張寨村今併 **第十八都曰沙壁** 縣東南莊五

上沙壁下沙壁西靳寨畢家院東靳寨 **石末** 縣東南莊四

石末村龍泉村吳莊南張寨地居燒石嶺之末故名 舊

晁山北里莊一晁山村舊志云晁會故里又龍泉里莊二

龍泉村吳莊里以龍溪橋得名又沙壁分南北里石末分

南北里今併 **第十九都曰野川東** 縣西莊七野川鎮小野

川喬家溝下馬遊崔家灣西溝村後山溝村 **野川西** 縣西

莊九東溝村蒲溝村盧家村唐家山野川村後溝村馬遊

村皇王頭常家溝 **玉井** 縣西南莊八唐莊梨園村瓦窰頭

長裏村南溝村中溝村後溝村路家村 **璩莊** 縣西莊六璩

莊南韓莊西溝村南頭村新莊圪套村 舊野川北里莊

一常家溝今併按舊唐莊為唐千戶所置莊 **第二十都曰**

南陳南 縣南莊六南陳村北陳村前小山後小山司家川

喬村驛 **南陳中** 縣南莊七許莊北陳村懸壺南南嶺村北

高平縣志

卷一

地理

二十六

嶺村回山村煤窰莊 舊北陳西里莊一北陳村按南陳

北陳宋石守信破李筠處取陳師鞠旅意也又回山北里

莊三回山村懸壺南南嶺村又南陳分南北中里今併 **第**

二十一都曰東宅 縣西南莊九東宅村東周纂大周纂西

掘山東掘山下崖底回山村溝頭村東牛莊 **回山** 縣西南

莊六東宅村北街西周纂大周纂金章背東牛莊西牛莊

舊古寨南里莊二大周纂古寨村又東宅分東西里回

山分東西里今併 **第二十二都曰馬村** 縣西南莊一馬村

鎮 **唐安** 縣西南莊六唐安鎮古寨村莊頭村閣老窩武家

掌窰則頭 舊古寨北里莊一古寨村又馬村分東西里

唐安分東西里今併 **第二十三都曰通義** 縣西庄五梁扈

村南莊交河村畢家莊張莊 **馮村** 縣西莊十一馮村北山

村西溝村上董峯下董峯東掌裏西平上窰則頭原村小

城地山村 舊通義分南北西里馮村分東西里今併 **第**

二十四都曰陳莊 縣西莊六陳莊原村常莊上馬遊下馬

遊牧溝村 **神山** 縣西莊二康營村陳村 **原村** 縣西莊一原

村 舊神山分東西里原村分南北里今併按原村漢原

氏所居神山民艱於水汲於原村河故嶺有神山廟 **第二**

十五都曰龐村 縣南莊四川底村下韓莊龐村北蘇莊 **龍**

曲南 縣南莊四上韓莊上玉井下韓莊玉井村 **龍曲北** 縣

高平縣志 **卷一** 地理 **二十七**

南莊五龍曲村橋北村圪塔村隨莊崔莊 舊玉井東里

莊一玉井村又龐村分東西里今併 **第二十六都曰宰李**

縣南莊一宰李村李文簡故居也 **北陳** 縣南莊二朴村宰

李村 **河西東** 縣南莊一河西鎮 **河西西** 縣南莊三河西鎮

鞏村喬村 舊宰李分東西里今併 **第二十七都曰叢桂**

縣南莊二下莊牛村按金明昌正大間是里擢第者七進

士趙洪子楠官工部侍郎伊陽令盧洵子茂官太平簿張

僕射國綱姪播官許州御史李茂華亦與簡選因立七賢

祠里曰叢桂莊四牛莊下莊新莊劉莊今併 **仙井** 縣南莊

二仙井村南蘇莊昔李游仙曾居之 **仙井南** 縣南莊二新

莊焦家河 舊焦家河里莊一焦家河又叢桂分南北里

今併 **第二十八都曰李門東** 縣南莊七東李門西李門莊

裏村黃家溝南坡村壩則頭郟家坪 **李門西** 縣南莊八朱

家莊牛家莊牛莊劉莊瓦壩頭橋裏西李門寨上村里故

有李文簡公門 **劉莊** 縣南莊四劉莊杜村常樂村小仙井

舊長安里村日常樂又劉莊分東西里今併 **第二十九**

都曰雙井 縣東南莊八雙井村王家莊溝南村東李家莊

西李家莊郭家莊椿樹村丁壁村里故有二井今廢 **晁山**

縣東南莊七劉家村莊則上細壩村南凹裏北凹裏丁壁
村晁山頭 舊丁壁里莊一丁壁鎮又雙井分南北里今

高平縣志

卷一 地理

二十八

併 **第三十都曰董寨** 縣東南莊五東山村楊家莊三王溝

大片村北莊寨故屯兵處 **郭村** 縣東南莊四祁寨官莊董

寨郭村 **孝義** 縣東南莊二孝義村石嘴頭 舊董寨分東

西里今併 然天道有盈虛十年一小變三十年一大變况

寇盜頻興邑之以貨雄於里者外喪其商賈之財貨內則

苦於征輸故貧弱日衆至有鬻舍帖田以供徭役者田舍

空則繼以逃亡於是丁倒累戶戶倒累甲甲倒累里而里

有衰旺貧富不均戶口不齊今迥不如古昔矣

唐一行以山河之象存乎兩戒北戒自三危積石負終南

地絡之陰東及太華逾河並雷首底柱王屋太行北抵常

山之右乃東循塞垣至滅貊朝鮮是謂北紀朱子則曰冀都山脉從雲中來蓋太行一千里河東河北太原晉陽諸州皆左旋其趾云澤郡於禹貢屬冀州居太行之脊高平踞其腹諸山環之皆太行枝麓也邑境之山以丹水分東西而發鳩爲之祖發鳩山者在縣西北五十里淮南子曰發苞山山海經曰發鳩之山漳水出焉乃山之陰也陽則丹水爲高平矣其巔曰鳳頭山爲丹水所自出西曰木棒村爲長平水所自出迤西曰仙公山俗傳張果老昔曾過此西南曰黑虎嶺發鳩之南曰繖蓋山爲絕水所自出畢振姬曰以散宜氏得名故志謂爲商蓋國之譌皆讞言也

高平縣志

卷一

地理

二十九

迤東曰釜山曰牛心山釜山之南曰西珏山爲泫水所自出一曰鳳翅山相傳慕容永時有五色雲見西曰五龍頂南曰馬鞍山曰圍屏山曰南華山西珏之東曰走馬嶺鉄鑛出焉曰炎帝嶺曰頭顱山秦坑趙卒唐元宗收頭顱爲巨塚焉曰金峯山山寺有先月亭爲昔人觴詠地乃縣治之正脉再南曰遊仙山東南則許丹合流爲正幹 發鳩之左曰丹朱嶺一曰江豬爲白水所自出山海經曰謁戾之山其東有林焉曰丹林故志曰林嶺聲近而訛其曰丹朱則誤以長子爲堯封丹朱地也迤東曰三巖嶺南曰泉則坡曰石室山曰鳳凰山曰清涼山三巖之東曰關和嶺

爲關水所自出再東曰羊頭山田氏曰山最高俯視太行猶在其下曰首陽山迤南曰慶雲山曰穀遠山西曰朗公山俗傳朗公爲倉頡云曰韓王山故志謂秦圍韓王於此攷史無之極於小馮莊而長丹合流爲北幹 首陽之左曰換馬嶺爲西長河所自出南曰平頭山曰玉瓶山迤西曰東珏山玉瓶之南曰百步嶺西曰翠雲山曰安樂山曰蓮華山南曰七佛山曰官甲頂曰大糧山官甲西麓曰營防嶺曰好蚌嶺歲旱以祭蝗者也極於川起村則兩長河合流爲東二幹 換馬之左曰魏莊東里爲東長河所自出再東曰紗帽山爲蒲河所自出南曰龍王山上有石佛

高平縣志

卷一

地理

三十

三教子孫三洞迤東曰遇仙山曰翠平山翠平之西曰遊仙山南曰大佛山曰鳳頭山曰洪化山曰翠屏山曰舍利山曰摩天巔曰四明山曰白龍山四明之西曰燒石嶺曰崆龍山山形崆葱相傳登巔可望黃河曰筆架山崆龍之南曰溫陽山迤西曰聖佛山曰二仙巔南極於寨上則蒲河獨流入於鳳臺河底村爲極東幹 發鳩之西南曰分水嶺迤東曰浩山南曰董峯山曰高廟山曰空倉嶺爲空倉水所自出曰吾山曰香爐峯峯之東北曰花石柱山曰皇王山曰卧佛山山寺第一松在焉山凹有萬月亭再東曰南山曰懸壺山東曰紫金山曰全玉嶺極於泳安寨則

丹滙衆流入於鳳臺北城公爲西幹其無名而宮於大山者至叢雜不可數而要以發鳩爲宗云

攷工記曰兩山之間必有川焉夫山澤通氣故旱暵鮮而民以和會管子亦曰水者地之血氣如筋脉之流通此水經註水道提綱諸書所爲窮源委而清支幹也邑之川原凡十數惟丹河爲最大源出西北發鳩山山海經曰謁戾之山東有林曰丹林丹林之水出焉水經注曰丹水自源東北流又東而東注左會絕水蓋自發鳩之鳳頭山東澗越渠溝東至於河坡南又東至於鹿宿又東至於草方東南而白水合又西南至於北趙莊而絕水合又南至於掘

高平縣志

卷一

地理

三十一

山村而長平之水合又南至於臨丹鋪而關水合又南至於趙莊西而西長河之水合又南至於仙井北而東長河之水合又南至於河西鎮而泫許諸水合又南至於泳安寨而入鳳臺之丹谷焉 北則白水出丹朱嶺南至於鴉兒溝入於丹絕水出繖蓋山一名浮雲河山海經曰絕水出泫氏縣西北楊谷地理志曰楊谷絕水所出東南流左會長平水是也俗云秦軍築絕不令趙飲故云東至於靖居又東至於草方入於丹長平水出木棒村南至於南峪東南至於繖子底又東至於柳村東南至於崛山村入於丹關水出關和嶺南至於堡頭又南至於上扶西南至於

永祿又南至於臨丹鋪入於丹 西則泫水出五龍山南
至於原村原潔泉入焉東南至於許莊曰許河又東南至
於路家村而空倉山之水入焉空倉山水出老馬嶺東至
於唐安又東至於康營入於泫泫水復東南至於河西東
入於丹 東北則長河二東長河出魏莊東里南至於陳
壩又南至於東石村西南至於北朱莊又南至於米山西
至於官莊西入於丹西長河出換馬嶺南至於故關又南
至於三角村又南至於南李村西南至於小北莊入於丹
最東之水曰蒲河出於東北之紗帽山東南至於西吳
家村又南至於東府底又南至於姬萬村又南至於石末

高平縣志

卷一

地理

三十二

村西至於丁壁村西南至於寨上亦入於鳳臺諸水涸溢
不時獨丹河非大旱不絕頗資陂蓄灌溉之利唐書地理
志亦曰甘泉今則貞元渠堰遺跡盡湮疏濬興築豈一手
一足之烈哉

河海潤千里所處之勢異也溪澗穴泉屈折盪擊而能葆
清冽泛濫不竭者亦足澄鑿萬彙隨所及以爲澤焉天王
池在縣城集賢橋西水族不生今涸定林泉在米山定林
寺東西穴各一今東穴涸舍利泉在舍利山下原潔泉在
原村廣四丈深一丈五尺冬溫夏涼玉泉谷在縣西南三
十里石壁下金龍池一曰九華池在羊頭山六名寺新記

曰池有二魚值雨即飛去疑龍也故志謂在團池金龍泉
殆誤黑龍洞在朗公山麓深數百步玉女池一曰五龍池
在韓王山馬杓泉黑龍泉在其南淵靈泉在七佛山麓靈
湫在發鳩山麓其曰靈皆宋所錫也五龍池在五龍山麓
均土人禱雨處濟瀆池在縣西五里骷髏廟濟瀆徑覃懷
而鄉民不忘其澤爭祀之益以見川瀆能興雲雨積勢厚
而普利遠也

關隘所以限戎馬也高平居太行之腹時清亦失險然昔
年爭奪靡常興廢者屢矣考古藉以鏡今守土者可不籌
控馭策乎 縣北曰長平關在丹朱嶺北倚長子隋仁壽

高平縣志

卷一

地理

三十三

時發丁夫塹置之唐地理志曰天下凡十道有關一百四
十三而長平其一焉 曰故關魏史曰穀關東北二十五
里秦置後廢今里猶曰故關 曰長平城一曰白城縣西
北三十里北齊置長平郡尋廢今爲長平驛 周赧王十五

年秦白起破趙長平射殺趙括 晉永嘉三年王曠等與

劉聰遇戰於長平間曠兵大敗融超皆死 隋大業十年

賊帥司馬長安破長平郡 大業間王君廓聚徒千人轉

掠長平投於李密 宋建隆元年石守信敗李筠於長平

斬首三千級 明崇禎四年邊盜王嘉印從長平趨沁水

坪上村

曰石壁關縣東北二十里魏莊西大石坡 曰

秦壁亦名秦長壘在城西北今之省寃谷昔白起誘趙卒四十萬人谷殺之 曰趙壁今名趙東壘縣北五里趙括築以待救者也金門山在壘門 東曰燒石嶺距縣二十里南接龍甲山頂形勢峭絕 曰營防嶺在城東大糧山西趙廉頗屯軍地嶺西曰古戰場 西曰空倉堡在老馬嶺西阻沁水明萬厯 國朝乾隆時屢修葺之今弛 曰光狼城縣西三十里今日強營村 周赧王三十五年秦白起伐趙取代光狼城 南曰高原 周顯德元年世宗自將擊劉旻前鋒與旻遇於高平南高原敗之追及於高平又敗之

曰南界牌嶺在喬村南南瞰鳳臺嶺不峻亦南陲

高平縣志

卷一

地理

三十四

之障矣 縣城迫西山乘堙則石矢可及非屯重兵於嶺莫能遏其窺伺傳曰諸侯有道守在四境獨治世然乎哉 晉元熙元年劉淵遣建武將軍曜寇太原泫氏皆陷之 唐會昌中討劉稹賜王宰詔曰瞰高平之危壘 又稹將白惟信率餘衆保潞城未下盧鈞次高平乃獻欵 周廣德時劉崇南侵周祖威令韓通王彥超逆擊之敗於高平 宋靖康元年金師至高平澤州高世田往犒之 金師圍太原平陽府義兵叛導金人入南北關取隆德府遂攻高平 金元光元年上半年上黨公完顏開復澤州高平縣 元至正十八年關保與賊戰於高平敗之 明崇禎四年潞

安囿民作亂於高平壺關陵川間 五年游擊猛如虎擊
邢紅狼於高平解其圍 六年賊西遁聚於高平長子間
國朝順治元年餘賊劫攻高平權縣事周再勲拒守

古蹟流傳好古之士披覽殘碑蠹簡得其一名一物輒奔
走荒墟榛莽間踟躕而憑弔焉然郢書燕說附會者多矣
駁正於昔者不載次以錄於篇疑者考訂之庶幾信以傳
信云爾 羊頭山寰宇記曰神農嘗五穀地有神農城
下有神農泉後魏風土記亦云神農井去古城六十步泉
二左白右清五穀畦在井字坪神農泉南故志謂神農得
嘉穀於此始教播種謂之五穀畦焉省志曰羊頭山有黍

高平縣志

卷一

地理

三十五

二畔其南陰地黍白其北陽地黍紅因之以定黃鐘其南
陰地高平也明鄭藩朱載堉羊頭山記云在冀州域者三
一在汾州西北十五里見一統志一在古穀遠縣沁水所
出見漢書及水經注今沁源縣綿山是也一即高平神農
嘗五穀之所亦有三一在潞安府東北十三里百穀山一
在隰州東四十五里合桑村有古穀城穀臺是也其一則
高平羊頭山云 發鳩山海經曰發鳩之山其上多柘
木有鳥名精衛云炎帝少女游河溺死化爲鳥常取西山
木石以填海每夕常聞風雨聲明月不輟田氏曰山寺奉
三神女侍女旁持白鳩諺云漳水漲白鳩見殊荒遠而難

稽也 炎帝陵在換馬鎮東南東西廣六十步南北袤百步有石欄石柱存焉蓋金元物也朱載堉曰按路氏神農氏七十世有天下軒轅氏興受炎帝參盧禪封參盧於潞守其先塋以奉神農祀其後政衰國亦浸削至春秋時爲晉之附庸焉蓋國小無紀綱禮法而民俗鄙陋頗同夷狄然以火王俗尚赤故謂之赤狄潞氏今潞城縣東北四十里古潞城即其國也其國至神農塚一百六十里此爲先塋理或有之然載在祀典以湖南鄆縣爲眞此惟元成宗大德九年遣祭禁樵採焉 羊水路史後記蚩尤傳帝榆罔命蚩尤宇於小顛以臨西方司百工德不能馭蚩尤產

高平縣志

卷一

地理

三十六

亂出羊水登九淖以伐空桑注曰羊水上黨羊頭山水也 辰考曰知錄曰晉之滅狄其用兵有次第魯宣十五年滅潞氏十六年滅甲氏及留吁成公時伐廆咎如而上黨爲晉有矣至左傳曰滅甲氏及留吁鐸辰而畢振姬則曰春秋時高平淪於戎狄爲辰米國從潞子杖馬箠盜晉邊晉次第滅之辰辰放氏後即赤翟今辰壩村米米子國赤翟後今米山則臆說也 原畢振姬曰晉伐原以原公歸高平原村有原公水晉伐荀以賜原氏先穀封曰原穀攷路史后杼居原竹書紀年曰帝杼自原遷於老王後周文王第十六子封於原晉文公受原於襄王杜預曰沁水西

北有原城今河內軹夏履癸以原侯夸師者水經曰濟有二源東源出於原城是也濟源晉以前故沁水也非高平原村審矣 高梁四州文獻曰魯僖九年齊侯以諸侯之師伐晉及高梁而還按高平有高梁上梁沁有下梁由下梁戰高梁由高梁滅潞距潞百里西師之次也又曰公羊晉人敗狄於高梁在高平非臨汾高梁故城又曰肥子遷昔陽荀吳假道於虞遂入昔陽昔陽人遷長平是數說者無可證實殊鑿 泫氏故城史記周威烈王七年趙獻子城泫氏逸書竹書紀年亦云然又史記顯王十七年晉取泫氏漢澤漢世祖建武六年封萬普爲侯國晉永興五年

高平縣志

卷一

地理

三十七

劉曜取泫氏漢地理志曰泫氏縣治有羊頭城水經注泫水導縣西北玄谷東流又東南逕泫氏故城南今之王報村其地猶曰廳前廳後云 向竹書紀年魏襄王四年鄭侯使辰歸晉陽及向更名陽爲河雍向爲高平攷史記范睢傳秦昭王四十二年東伐韓少曲高平拔之註曰高平故城在懷州河陽縣西北四十里周桓王以與鄭故志引爲今邑謬 趙鄆城括地志曰趙鄆故城一名都尉城今曰趙東城縣西二十五里又故穀城王齏攻趙陷趙軍取二鄆四尉此其二鄆也趙軍築壘而守之秦又攻其壘取二尉奪西壁壘正義曰趙西壁壘在高平縣北六里是也

光狼城亦白起伐趙時所拔 營防嶺在縣東趙廉頗屯
兵地昔謂大糧山爲廉頗以給秦而空倉嶺則秦白起以
給趙括此爲不經 都向二城冀州圖云縣西三十五里
秦据西城趙守東城 棄甲院縣北塾頭王莊等村趙降
卒棄甲處昔農人往往掘得髑髏及銅製戈頭箭頭唐李
賀有長平箭頭歌云 省寃谷唐地理志曰本殺谷元宗
幸潞州過之更名金王庭直爲邑宰掩骼於長脰骨間得
銅漆矢一入骨寸餘蓋數千年未銷也 頭顱山一統志
曰在高平縣西南水經注秦坑趙衆收頭顱築臺曰白起
臺一統志又載髑髏山引寰宇記在高平縣西五里晉永

高平縣志

卷一

地理

三十八

嘉中劉聰舉兵積屍爲髑髏山云今僅一山積屍之說蓋
附會耳而一統志兩收之何與 長平城縣西北三十里
酈善長曰城之左右沿山亘隰秦趙故壘遺壁猶存漢元
朔初以封將軍衛青北齊置長平郡上黨記曰長平城在
郡南秦壘在城西二軍共食流水澗相去五里後漢志泫
氏有長平亭志註曰上黨記云白城在郡南山中百二十
里今之長平驛蓋郡治故在長子諸城也 丹水方輿勝
覽云白起坑趙卒血流成河故名丹水攷山海經竹書紀
年已有之則非起於坑卒矣又唐國史纂異曰懷州地有
丹水源出長平山傳云秦殺趙卒其水變赤因名上在太

原詔改爲懷水懷爲丹下游誤相沿習故爾 都鄉城水經注絕水東南與泫氏合東流逕一故城俗謂之都鄉城再東南則泫氏故城矣 高都史記赧王八年蘇代謂東周君曰臣能使韓毋徵甲粟於周又能爲君得高都註徐廣曰今河南新城縣高都城也括地志曰高都故城一名郟都在洛州伊闕縣北三十五里高誘曰高都韓邑今屬上黨攷地近東周徐廣括地志爲是高誘說爲非秦始皇名長平曰高都也 懸壺山故志稱爲懸壺仙人棲眞地或曰藏仙書於此有祈夢處攷費長房居汝南殆以汝南郡有長平而譌省志曰形似懸壺近之 晉太醫令王叔和

高平縣志

卷一

地理

二十九

故里故志曰在王報村今土壘石碾猶存省冤谷口有王叔和先生故里碑司昌齡駁之確矣 高平城魏志曰永安中置高平縣治高平城未詳其地府志曰在陵川 高華府縣東建甯鎮唐高宗開府於此開元初廢省志曰攷唐高華府在晉州居府兵地澤州五府丹川永固安平沁水白澗不名高華也今里近建甯猶曰府下蓋亦相沿而誤 蓋州故志曰唐李勣攻蓋牟城拔之以其地爲蓋州蓋州之名所自始考唐志太宗親征高麗得蓋牟城置蓋州在高麗境今奉天府猶曰蓋州焉與高平遼絕甚矣此不考古之過也至謂殷有商蓋國繖蓋山乃商蓋之譌而

蓋州之名因之尤妄 五音洞舍利山麓唐大愚僧審音處嘗聞五音之聲即華嚴經中三十六字母之始音又七佛山石佛凡七唐僧所鑿也 輸場縣南三里史稱周世宗敗北漢兵於高平後人因以名之 周纂鎮故屬晉城宋之平泉故里也 靜居院在靜居村宋西京張郎中完故宅韓魏公琦贈以詩 鴉兒溝宋慶元間老人張勝居之多善行曰夕羣鴉集屋驅之不去 游仙山金李游仙通敏讀書於此啟地得古鐘聲徹山下數十里後亦名里曰遊仙坊 賈魯宅在楊村後取其宅材爲長平驛亭驛廳五楹一梁貫之今屢圯屢更矣 益國鐵冶在王降村

高平縣志

卷一

地理

四十

元大德年置至正中廢明洪武初徙治縣北二十里永樂中罷今址猶存 風洞在朱莊風自山孔出出以三日入以三日息以三日明縣令楊子器以駭俗堙之今猶龍神覆其上飾以石龍首焉同治六年旱暵禱雨既久每雨將至輒狂風阻之民曰風洞爲災余初祀之不應復綫風神焚以火而以輒斃其龍口亦不應也蓋風之出入亦地氣相爲呼吸耳 畢堅毅先生故里在市王今碑在義莊南 太原傅山書

日中爲市神農之教也祝融氏復修之越絕書有國豐市五日一會邠亭有夜市荆吳之俗則寅申己亥日而市曰

亥市今南猶曰趁墟北曰趕集邑市南關西關東關原村則三六九日米山野川周纂下台則二五八日寺莊河西馬村徘徊建甯陳堰則一四七日會則焦河村赤土坡河西鎮香神嶺二月李門村建甯鎮米山鎮三月東關廂四月衙前廟五月馬村鎮永祿村米山鎮九月東關廂十月而以九月米山鎮爲極盛羊馬自千餘里至焉

昔朱貢條記風俗班固因之作地理志記天下郡國本末及山川奇異而以風俗繫焉迨後應劭有地理風俗記周處有風土記非以風俗所區由地氣使然哉然司牧者教育漸摩亦深有責焉矣邑故志曰四郊東務農西服賈南

高平縣志

卷一

地理

四十一

尚角較北安椎魯昔稱勤儉今漸侈靡而多畏法度至重農桑善積聚恪公奉上又俗之美也今復百餘年矣俗儉而不勤逐末而忘本不憚千里以逐什一之利自大盜縱橫蹂躪所及肆市蕩爲邱墟邑之遠賈喪亡貲財立盡而傭人工於駟僮者亦徒手歸來不自贍則穿人以爲利重以烏烟流毒中土浮食奇民嗜之者十室而九以故人益貧習益敝訟獄繁多姦盜不息風俗與時推移詎不信哉士汨於俗學婚娶則論財送飯住九於禮不經婦女淫慝不禁喪禮尚侈喜用僧道又恒泥堪輿家說或淹 不葬葬者僭用隧以芻靈相炫含殮用土作人往往發塚而不

悟病則聚巫師禱於神嬰兒死棄諸野俗忌云埋則不再
育其歲時風土則元旦五鼓戶焚桑柴上元爲燈會鄉婦
冶游諸城至必入署謁命婦賜以花果三日乃已余懲此
風特止之十年一綵編百子橋以求子觀者如堵曠業耗
財余思禁遏之而匪其期十六日羣趨金峯山以艾炙石
佛已百病清明十月一日以楮酒拜墓冬月送寒衣三月
七月赴董峯謁馬仙姑男女雜沓不辨仙姑常附諸男身
以療疾曰馬甲馬甲療婦女疾必昏室無一人恒恣淫亂
同治五年余取董峯之馬甲痛治之以檄錮仙姑寺而止
其祈禱六年復獲王何里之馬甲械諸市以乃釋十二月

高平縣志

卷一

地理

四十二

五日和黍豆爲粥曰五豆粥每村必社社有祠春祈秋報
必以劇事神釀錢合飲糜財惑民近令三損其二以興義
學歲旱祈雨曰捉旱水城西府君廟伯方村店上村唐莊
朴村村廟各埋古甕瓶一出而負諸唐安成湯廟羊頭山
六名寺吳莊五龍廟董峯聖姑庵繖蓋山裘山寺擇童男
朝夕朝者三始二十四拜已而增久則無甯時拜久則
水生曰聖水探之以一滴爲止多則凶復拜而消去之拜
水者曰水官主祀者曰神官探水者曰探水官水官有拜
仆至死者乾隆時知縣梅建革之而未殄也夫礎潤而雨
天地自然之應天將雨則瓶潤瓶潤則水生愚者乃謂以

跪拜得之豈不謬哉近益多負神輿村衆皆行悍夫相糾
結曰大駕會輿神以巨木曰硬杠十數人左右之素所不
快者入觸其室所過以銃先之從者各持柳枝市中有白
衣者草笠者遇則擊雞犬婦女尤惡之鞭必見血乃已店
上村最橫恣至輿神置縣署索劇以酬神必得請乃稍稍
去龍渠村又有所謂柳將軍者亦以木觸人無敢忤者同
治四年余取店上村渠魁八人置諸法著爲令自今以往
從者不得過三十人禁多神禁硬杠禁大駕禁入人室禁
柳枝擊白衣若而人禁城市之銃犯者以糾衆之罪罪之
六年旱既甚邑人遵余令拜瓶以求雨不獲僉咎旱水未

高平縣志

卷一

地理

四十三

扈以多人神故弗歆也余再令依俗法求幾一月矣而赤
旱如故六月既望余仿用八卦壇法雨以二日民惑乃解
此風庶其永戢矣乎因俗爲教民歌勸者十日勸孝父母

勸和睦勸立品勸讀書

里頌朱子小學一

勸農桑

里頌農

桑政要書一

勸畜種勸貞順勸紡績勸息訟勸興義學

減

劇費以供之

戒者二十日禁桑羊

恐羊食桑禾也

禁訛詐

禁唆訟禁鬪毆禁輕生

投廁尤惡習

禁賭博禁偷盜禁嫁

女求財禁拐帶逃亡禁接脚

妻弟婦及嫂也

禁孤老

廢婦

所私曰孤老

禁秧歌禁冥配禁厚葬並土作含殮禁浮屠

並棄嬰兒禁躲魂斬殃禁多收僧尼禁捉旱水禁馬甲香

頭師婆

師巫以事神者

禁種鴛粟

割而成烏烟者

高平縣志

卷一

地理

四十四